

I – AKTI OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-14-1261/19-AP-11

Datum: 01.08.2019. godine

Na osnovu člana 2. Zakona o razvojnom planiranju i upravljanju razvojem u Federaciji Bosne i Hercegovine („Službene novine FBiH“, broj: 32/17) i člana 25. stav (1) tačka 26. Statuta Općine Zavidovići („Službeni glasnik Općine Zavidovići“, broj: 5/08 i 5a/08), Općinsko vijeće Zavidovići na 37. sjednici od 31.07. i 01.08.2019. godine, donosi

ODLUKU

o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija pćine Zavidovići

Član 1.

(Predmet Odluke)

Ovom Odlukom definiraju se kriteriji za ocjenjivanje prijedloga investicionih projekata prikupljenih na osnovu prijedloga za investiranje i principi bodovanja i rangiranja projekata, kao i načela izrade i način podnošenja investicionih projekata za izradu Plana kapitalnih investicija općine Zavidovići.

Član 2.

(Kapitalni projekat)

Kapitalni projekat može biti projekat koji ispunjava sljedeće uslove:

- koji je u skladu sa nadležnostima jedinice lokalne samouprave shodno članu 15. Statuta Općine Zavidovići („Službeni glasnik Općine Zavidovići“, broj: 5/08 i 5a/08) i ostalim zakonskim propisima,
- da se finansira budžetskim sredstvima Općine u cjelosti ili djelimično, ili drugim sredstvima kojima raspolažu budžetski korisnici,
- čija implementacija traje duže od jedne budžetske godine ili se njegovi efekti protežu na period duže od jedne budžetske godine,
- čija je minimalna vrijednost 10.000,00 KM.

Član 3.

(Plan kapitalnih investicija)

Plan kapitalnih investicija Općine Zavidovići:

- a) predstavlja petogodišnji plan kapitalnih projekata upravnih organa Općine, javnih ustanova i preduzeća iz nadležnosti jedinica lokalne samouprave, koji se nastoje realizirati u planskom razdoblju,
- b) je program progresivnog karaktera, što znači da će nakon realizacije projekata predviđenih za prvu godinu biti dopunjen projektima za slijedeću godinu,
- c) ažuriran za narednu budžetsku godinu usvaja Općinsko vijeće Zavidovići prije donošenja Budžeta,
- d) je osnova za izradu investicionog aneksa Budžeta za narednu budžetsku godinu,
- c) se priprema na osnovu jedinstvenog obrasca za predlaganje projekata.

Član 4.
(Ciljevi)

(1) Osnovni cilj je identifikacija prioritetnih projekata (kapitalnih investicija) za općinu Zavidovići, za duži vremenski period i stvaranje planskih pretpostavki za realizaciju (finansijska konstrukcija).

(2) Posebni cilj je da se primjenom kriterija za odabir projekata garantuje racionalniji i objektivniji pristup za utvrđivanje prioriteta.

Član 5.
(Načela)

Načela za definiranje kriterija utemeljena su na:

- a) Potrebi stvaranja što povoljnijih pretpostavki za razvoj privrednih aktivnosti,
- b) Potrebi poboljšanja kvaliteta života građana kroz poboljšanje tehničke i društvene infrastrukture,
- c) Nastojanju da se doprinese realizaciji strateških ciljeva Općine Zavidovići,
- d) Nastojanju da odabir projekata za kapitalne investicije bude društveno prihvatljiv, odnosno omogući koristi za što veći broj građana.

Član 6.
(Bodovni sistem)

Za svaki kriterijum određen je bodovni sistem, a broj bodova pojedinačnom kriteriju dobija se množenjem važnosti kriterija (kolona 2) sa mogućim bodovima (kolona 3) koje investicioni projekt dobija po tom kriteriju.

Član 7.
(Eliminatorni kriteriji)

Projekti koji se ne mogu finansirati iz budžetskih sredstava su projekti:

- a) Koji omogućavaju bilo kakvu direktnu ili indirektnu ličnu korist potencijalnih korisnika projekta,
- b) Koji imaju isključivo komercijalni karakter,
- c) Kojima se provode aktivnosti bilo koje od političkih partija / stranaka,
- d) Koji nisu u skladu sa važećom prostorno-planskom dokumentacijom Općine,
- e) Koji nemaju riješene imovinsko-pravne odnose na projektnom području,
- f) Koji ne posjeduju investiciono-tehničku dokumentaciju i odobrenje za građenje, osim ako isto nije obavezujuće zakonom.

Član 8.
(Kriteriji za bodovanje)

R B	KRITERIJI	VAŽNO ST	MOGUĆI BODOVI		NAPOMENE I POJAŠNJENJA
	1	2	3		
1.	BROJ KORISNIKA PROJEKTA	20	Koristan za manje od 300 stanovnika	0	Broj stanovnika se određuje prema ukupnom broju stanovnika naseljenog mjestu prema popisu stanovništva u 2013. godini ili više naseljenih mjesta koja su obuhvaćena projektom. Broj stanovnika za projekte
			Koristan za 301 – 2000 stanovnika	1	
			Koristan za 2001 – 10.000 stanovnika	2	
			Koristan za više od 10.000 stanovnika	3	

					vodovoda i kanalizacionih sistema se određuje prema broju korisnika navedenih u glavnom projektu.
2.	POSTIGNUTI EFEKT I SPECIFIČNA CIJENA KOŠTANJA PROJEKTA	20	Postignuti efekt od 0 do 0,69	0	Specifična cijena koštanja projekta se određuje dijeljenjem vrijednosti projekta sa brojem korisnika projekta. $Sk=Pv/Cp$ Sk - specifično koštanje projekta po korisniku; Pv - ukupna vrijednost projekta; Cp - broj korisnika projekta; Postignuti efekt $B= (1 - (Sk - Skn/Skr) \times 3)$ B broj bodova po osnovu postignutog efekta; Sk - specifično koštanje projekta po korisniku; Skn - najmanji iznos specifičnog koštanja; Skr - razlika između najmanjeg i najvećeg isnosa specifičnog koštanja
			Postignuti efekt od 0,70 do 1,49	1	
			Postignuti efekt od 1,50 do 2,49	2	
			Postignuti efekt od 2,50 do 3	3	
3.	POVEZANOST SA STRATEŠKIM DOKUMENTIMA OPĆINE	15	Projekt nije usaglašen sa strategijom razvoja.	0	Bodovanje će se vršiti na osnovu analize povezanosti projektnog prijedloga i strateških dokumenata Općine.
			Projekt atraktivan ali nije obuhvaćen strategijom razvoja.	1	
			Projekt je sadržan u prioritetima ili strateškim ciljevima strategije razvoja.	2	
			Projekt je sadržan u mjerama i / ili projektnom dijelu strategije razvoja.	3	
4.	ZNAČAJ PROJEKTA ZA RAZVOJ OPĆINE	15	Projekt nema razvojni karakter.	0	Bodovani će biti samo razvojni projekti, odnosno projekti kojima se stvara dodana vrijednost, tj. projekti kojima se poboljšava postojeće stanje.
			Razvojni projekt	3	
5.	PROJEKT POTIČE PRIVREDNI RAZVOJ	20	Projekt nije atraktivan za investitore / ne služi investitorima i poduzetnicima.	0	Bodovanje ovog kriterija će se vršiti na osnovu direktne ili indirektno koristi koju će ostvariti određeni broj privrednih subjekata putem unapređenja infrastrukture na području uticaja projekta
			Projekt unapređuje poslovanje manjeg broja investitora / poduzetnika	1	

			(1-3).		(naseljenog mjesta). U obrascu za predlaganje investicionih projekata obavezno navesti nazive privrednih subjekata.
			Projekt unapređuje poslovanje većeg broja investitora / poduzetnika (4-10).	2	
			Projekt unapređuje poslovanje većeg broja investitora / poduzetnika (više od 10).	3	
6.	UTICAJ NA ŽIVOTNU SREDINU	10	Projekt dovodi do zagađenja životne sredine.	0	Bodovanje se vrši na osnovu prihvatljivosti projekta, s obzirom na životnu sredinu, kao i određivanje potrebnih mjera zaštite životne sredine, kako bi se negativni uticaji sveli na najmanju moguću mjeru, odnosno unaprijedilo postojeće stanje.
			Projekt nema uticaja na životnu sredinu.	1	
			Projekt poboljšava stanje životne sredine.	2	
			Projekt podržava primjenu novih tehnologija i / ili iskorištenje obnovljivih izvora.	3	
7.	ULAGANJA OPĆINE NA PROJEKTNOM PODRUČJU	5	Bilo je realizacije kapitalnih investicija u prethodnoj godini.	0	Broj bodova zavist će od općinskog ulaganja na projektnom području i srazmjeran je provedenim ili neprovedenim aktivnostima u proteklom periodu.
			Nije bilo kapitalnih ulaganja u prethodnoj godini.	1	
			Nije bilo kapitalnih ulaganja u posljednje 3 godine.	2	
			Nije bilo kapitalnih ulaganja u posljednjih 5 godina.	3	
8.	SPREMNOST INTERESNE STRANE NA SUFINANSIRANJE	15	Interesna strana nije spremna sufinansirati projekt.	0	Bodovanje ovog kriterija će se vršiti na osnovu pisane izjave subjekta iz člana 11. stav (1) ove Odluke, a novčana sredstva će se položiti na namjenski račun Općine Zavidovići prije početka realizacije projekta. U slučaju da sufinansiranje projekta izostane odustaje se od realizacije projekta.
			Sufinansiranje sredstvima interesne strane do 20% vrijednosti projekta.	1	
			Sufinansiranje sredstvima interesne strane 21% - 50% vrijednosti projekta.	2	
			Sufinansiranje sredstvima interesne strane preko 50% vrijednosti projekta.	3	
			Projekt ne uključuje omladinu ili žene.	0	Bodovanje u odnosu na uljučenost omladine ili žena

9.	UKLJUČENOST OMLADINE ILI ŽENA	5	Projekt utiče na zaposlenost mladih ili žena.	1	vršit će se samo u slučaju da projekat prvenstveno (većim dijelom) utiče na zapošljavanje mladih ili žena, povećava zaposlenost ili standard istih.
			Projekt povećava zaposlenost mladih ili žena.	2	
			Projekt poboljšava standard mladih ili žena.	3	

Član 9.**(Način bodovanja)**

Svi kandidovani projekti bit će bodovani po svakom od 9 (devet) kriterija iz člana 8. ove Odluke. Na taj način dobit će se broj bodova po zadanim kriterijima pojedinačno i ukupan broj bodova (kao zbir bodova pojedinačnih kriterija) za svaki investicioni projekt.

Član 10.**(Rangiranje projekata)**

- 1) Nakon izvršenog bodovanja za kandidirane projekte vrši se rangiranje projekata u pet kategorija i to:
 - a) Cestovna infrastruktura,
 - b) Vodovodi,
 - c) Kanalizacioni sistemi,
 - d) Javna rasvjeta,
 - e) Ostali projekti.
- 2) Rangiranje projekata iz kategorije cestovne infrastrukute, dalje se vrši u četiri podkategorije i to:
 - a) Gradske i prigradske ulice,
 - b) Lokalne ceste,
 - c) Objekti na trasi,
 - d) Nerazvrstane ceste.
- 3) Za svaku kategoriju i podkategoriju projekata utvrđuje se rang-lista i prioriteti finansiranja, te se kao Prijedlog Plana kapitalnih investicija Općine Zavidovići za plansko razdoblje dostavljaju Općinskom vijeću Zavidovići na dalje usvajanje.

Član 11.**(Predlaganje kapitalnih projekata)**

(1) Predlaganje kapitalnih projekata mogu izvršiti upravni organi, javne ustanove i preduzeća Općine Zavidovići, mjesne zajednice, pravna lica, udruženja građana, sportska uduženja i klubovi.

(2) Predlaganje kapitalnih projekata se vrši putem Obrasca za predlaganje investicionih projekata za potrebe izrade / ažuriranja Plana kapitalnih ulaganja općine Zavidovići koji je obavezujući za sve subjekte iz stava (1) ovog člana.

(3) Prijedlozi kapitalnih projekata koji ne budu podneseni na obrascu iz stava (2) ovog člana neće biti razmatrani ni bodovani.

(4) Svaki subjekat iz stava (1) ovog člana može maksimalno predložiti po tri projekta iz svake kategorije i podkategorije projekata iz člana 9. ove Odluke.

Član 12.**(Izuzecé)**

(1) Projekti koji su posljedica obaveznog zimskog i ljetnog održavanja putne infrastrukture, održavanja javne rasvjete (tekućeg investicionog održavanja) se izuzimaju od bodovanja i imaju prioritet u odnosu na ostale projekte.

(2) Projekti koji se finansiraju iz donatorskih sredstava u iznosu većem od 40% ukupne vrijednosti projekta se izuzimaju od bodovanja i imaju prioritet u odnosu na ostale projekte.

(3) Od bodovanja se izuzimaju i imaju prioritet u odnosu na ostale projekte i drugi projekti koji su posljedica zakonom propisane obaveze ili su posljedica naloga nadležne inspekcije.

Član 13.
(Komisija)

Bodovanje projekata vršit će Komisija koju rješenjem imenuje Općinski načelnik.

Član 14.
(Završne odredbe)

Sastavni dio ove Odluke čini Obrazac za predlaganje investicionih projekata za potrebe izrade / ažuriranja Plana kapitalnih ulaganja općine Zavidovići.

Član 15.
(Stupanje na snagu)

Stupanjem na snagu ove Odluke prestaje da važi Odluka o utvrđivanju kriterija i sistema bodovanja projekata kandidiranih za Plan kapitalnih investicija Općine Zavidovići za period 2018.-2022. godine („Službeni glasnik Općine Zavidovići“, broj: 11/17).

Član 16.
(Stupanje na snagu)

Ova Odluka stupa na snagu prvi naredni dan od dana objavljivanja u „Službenom glasniku Općine Zavidovići“.

PREDSJEDAVAJUĆI
OPĆINSKOG VIJEĆA

(M.P.)

Redžo Seferović, s.r.

**OBRAZAC ZA PREDLAGANJE INVESTICIONIH PROJEKATA ZA POTREBE IZRADE/AŽURIRANJA PLANA KAPITALNIH
ULAGANJA OPĆINE ZAVIDOVIĆI**

1. PREDLAGATELJ PROJEKTA: - naziv subjekta-predlagača - kontakt osoba - adresa - kontakt telefon, e-mail	
2. NAZIV PROJEKTA:	
3. SEKTOR / OBLAST:	<input type="checkbox"/> cestovna infrastruktura <input type="checkbox"/> vodovod <input type="checkbox"/> kanalizacioni sistem <input type="checkbox"/> javna rasvjeta <input type="checkbox"/> stalo
4. LOKACIJA PROJEKTA: <i>(Naziv naseljenog mjesta gdje će se projekat realizirati, kratak opis lokacije)</i>	
5. OPIS PROJEKTA: <i>(Kratak opis potrebnih aktivnosti, koji problem se rješava, koje javne usluge se pružaju i sl.)</i>	
6. VRIJEDNOST PROJEKTA U KM:	
7. PRIPREMLJENOST PROJEKTA:	<input type="checkbox"/> postoji izrađena investiciono-tehnička dokumentacija i odobrenje za građenje <input type="checkbox"/> za ovu vrstu projekta nije neophodna investiciono-tehnička dokumentacija i odobrenje za građenje
8. BROJ KORISNIKA PROJEKTA:	<input type="checkbox"/> koristan za manje od 300 stanovnika <input type="checkbox"/> koristan za 301 -2.000 stanovnika <input type="checkbox"/> koristan za 2.001 -10.000 stanovnika <input type="checkbox"/> koristan za više od 10.000 stanovnika
9. POSTIGNUTI EFEKT I SPECIFIČNA CIJENA KOŠTANJA PROJEKTA:	<input type="checkbox"/> postignuti efekt od 0 do 0,69 <input type="checkbox"/> postignuti efekt od 0,70 do 1,49 <input type="checkbox"/> postignuti efekt od 1,50 do 2,49 <input type="checkbox"/> postignuti efekt od 2,50 do 3,00
10. POVEZANOST SA STRATEŠKIM DOKUMENTIMA OPĆINE:	<input type="checkbox"/> projekt nije usaglašen sa strategijom razvoja <input type="checkbox"/> projekt atraktivan ali nije obuhvaćen strategijom razvoja <input type="checkbox"/> projekt je sadržan u prioritetima ili strateškim ciljevima strategije razvoja <input type="checkbox"/> projekt je sadržan u mjerana i/ili projektom dijelu strategije
11. ZNAČAJ PROJEKTA ZA RAZVOJ OPĆINE:	<input type="checkbox"/> projekt nema razvojni karakter <input type="checkbox"/> razvojni projekt
12. PROJEKT POTIČE PRIVREDNI RAZVOJ:	<input type="checkbox"/> projekt nije atraktivan za investitore/ne služi investitorima i poduzetnicima <input type="checkbox"/> projekt unapređuje poslovanje manjeg broja investitora/poduzetnika (1-3) <input type="checkbox"/> projekt unapređuje poslovanje većeg broja investitora/poduzetnika (4-10) <input type="checkbox"/> projekt unapređuje poslovanje većeg broja investitora/poduzetnika (više od 10)

	Nazivi privrednih subjekata unutar područja uticaja projekta: _____ _____ _____
13. UTICAJ NA ŽIVOTNU SREDINU:	<input type="checkbox"/> projekt dovodi do zagađenja životne sredine <input type="checkbox"/> projekt nema uticaja na životnu sredinu <input type="checkbox"/> projekt poboljšava stanje životne sredine <input type="checkbox"/> projekt podržava primjenu novih tehnologija i/ili iskorištenje obnovljivih izvora
14. ULAGANJA OPĆINE NA PROJEKTNOM PODRUČJU:	<input type="checkbox"/> bilo je realizacije kapitalnih investicija u prethodnoj godini <input type="checkbox"/> nije bilo kapitalnih ulaganja u prethodnoj godini <input type="checkbox"/> nije bilo kapitalnih ulaganja u posljednjih 3 godine <input type="checkbox"/> nije bilo kapitalnih ulaganja u posljednjih 5 godina
15. SPREMNOST INTERESNE STRANE NA SUFINANSIRANJE PROJEKTA:	<input type="checkbox"/> interesna strana nije spremna sufinansirati projekt <input type="checkbox"/> sufinansiranje sredstvima interesne strane do 20% vrijednosti projekta <input type="checkbox"/> sufinansiranje sredstvima interesne strane 21% - 50% vrijednosti projekta <input type="checkbox"/> sufinansiranje sredstvima interesne strane preko 50% vrijednosti projekta <i>Bodovanje ovog kriterija će se vršiti na osnovu pisane izjave subjekta iz člana 11. stav (1) Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija općine Zavidovići, a novčana sredstva će se položiti na namjenski račun Općine Zavidovići prije početka realizacije projekta. U slučaju da sufinansiranje projekta izostane, odustaje se od realizacije projekta.</i>
16. UKLJUČENOST OMLADINE ILI ŽENA:	<input type="checkbox"/> projekt ne uključuje omladinu ili žene <input type="checkbox"/> projekt utiče na zaposlenost mladih ili žena <input type="checkbox"/> projekt povećava zaposlenost mladih ili žena <input type="checkbox"/> projekt poboljšava standard mladih ili žena

NAPOMENA: Prijava određenog projekta ne podrazumijeva apliciranje za određena financijska sredstva već samo apliciranje za Program kapitalnih investicija.

M.P.

PODNOŠILAC PRIJAVE

(Ime i prezime, potpis)